



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thesavrvs Sacrorvm Ritvvm, Sev Commentaria In Rvbricas Missalis, Et Breviarii Romani.

In quibus origo cuiusque Ritus, causae historicae, vel mysticae, ex
maiorum ingenio, Theoria, Praxis, obligatio, & exquisitus vsus, additis
opportune Decretis omnibus S. Rituum Congreg. quàm breuissimè
explicantur.

Gavanti, Bartolommeo

Venetiis, 1647

Concordia Martyrologij Roman. cum Breu. Romano.

urn:nbn:de:hbz:466:1-9521

CONCORDIA
 MARTYROLOGII
 ROMANI
 C. V. M.
 BREVIARIO ROM.

Videntur multa pugnare cum Martyrologio Romano,
 quæ tamen re vera non pugnant; & idcirco ea ob
 oculos ponere hoc loco volui, vt appareat in
 sensu concordia, quæ latet in verbis.



Taque *Ianuarij die 19.* licet in Martyrologio habeas hæc verba: *Martha in Nympha necata est, ceteri sunt decollati;* & in Breviario hæc alia: *Sancti in eum locum, qui Nympha dicebatur, necantur; ac primum Martha, mox ceteris ceruices abscinduntur: ne tamen dicas: ergo Martha quoque decollata fuit: nam in Breviario mendum irrepsit, Typographi incuria. legendum enim est: Martha, non, Marthe, quod vltimò est emendatum: & erit sensus: necantur omnes, ac primum Martha necatur: mox ceteri sunt decollati, seu, quod idem est, ceteris ceruices abscinduntur.*

Eiusdem die 22. in Martyrolog. 70. socij S. Anastasij in fluenta sunt demersi. at in Breviario videntur decollati, vna, inquit, cum 70. alijs securi percutitur. Nihilominus concordant textus, si legas periodum cum legitima distinctione: Mox à Persis varijs cruciatibus affectus à Rege Chosroa vna cum 70. alijs: & hoc verum est, quia in fluenta & hi demersi sunt, ante obitum S. Anastasij, iuxta Martyr. Anastasius deinde solus securi percutitur,

quod asserunt Breviar. & Martyrol. *Februarij 6. Martyrologium docet, Dorotheam passam sub Saprício: Breviarium sub Apricio: verum utroque nomine vocabatur Præses apud Historicos. sicut Aprion Tentyrorum Episcopus in vita Sancti Pachomij appellatur Saprion à Sancto Athanasio Apolog. 2. de fuga sua. & apud Italos, Luigi, Aloysio, Ludouico, quæ sunt idem, & hoc semel adnotasse sit satis pro locis etiam memorandis infra.*

Aprilis 14. Tiburtius, & socij in Martyrologio gladio, percussi sunt, more mobilium, in Breviario, securi feriuntur, more feruorum, sed apud scriptores utroque modo explicari solet idem genus mortis, hoc est, decollatio.

Ibidem. Almachius, & Amachius videntur differre, at vnum est, & idem nomen, vt supra diximus, Februar. 6. in casu simili vnus litteræ additæ.

Eiusdem die 17. Martyrologium in Aniceto nominat persecutione M. Aurelij Antonini, & Lucij Veri. Breviarium meminit tantum M. Aurelij Antonini, quis autem sentiat, contraria loqui eos, quorum alter tacet, quod alter dicit, passim id accidit in Euâgelij, quorum est mira concordia.

Eius-

Eiusdem die 26. licet in 6. lectione Breuiarij legas : *Imperatorem adit* : ne putes tamen eum esse Diocletianum, de quo in precedenti lectione ; sed Maximianum, de quo hac die in Martyrolog.

May 1. Philippus in Martyrologio apud *Hierapolim Asiae* moritur : in Breuiario apud *Hierapolim Phrygiae*. Hec autem est minoris Asiae regio. quid obijcies?

Eiusdem 2. obiisse dicitur Athanasius in Martyrologio tempore *Valentiniani*, & *Valentis*. In Breuiario sub *Valente*. utrumque tamen verum est, ut patet, tacito alterius nomine.

Eiusdem 3. Alexander Papa in Martyrologio multa patitur ante peremptionem, neque vlla est ibi mentio decollationis. in Breuiario dicitur securi percussus, ommissis praeter alijs tormentis. sed conciliantur haec loca facile: quia breuius in Breuiario, fufius in Martyrologio de eo, & focijs agit; & alter textus alterum explanat in genere mortis, & peremptionis instrumento.

Eiusdem 12. Videbantur haec contraria : in Martyrologio, *pridie huius diei* corpora SS. Nerei, & c. fuere translata: in Breuiario legitur: *Hac die*: explicat Martyrologium, quod in primis Vesperis festi (& re vera ita factum est) quae primae Vesperae attinent ad hanc diem Festi, more Ecclesiastico: Praeterea, *Hac die* recondita sunt corpora, quae pridie fuerant translata: & hic est sensus verborum Breuiarij.

Eiusdem 27. S. Io. Papa dicitur in Martyrologio *diu maceratus in carcere*: & in Breuiario, *paucis diebus cessisse à vita*: hoc est, post diutinam macerationem, breui morbo adueniente, vitam finiuit.

Iunij 9. In Martyrologio, Promotus in martyrio SS. Primi, & Feliciani dicitur, *Praeses*: in Breuiario, *Prator*. at utrumque titulum legimus apud Historicos in Promoto.

Eiusdem 12. Basilides, & focij moriuntur in persecutione *Diocletiani*, & *Maximiani*, si Martyrologium legas. diuisim utrumque leges in Breuiario, quia in

D. Barth. Gauant. Tom. II.

persecutione *Diocletiani* torti sunt à *Maximiano*; & utriusque vna fuit persecutio.

Eiusdem 18. à *Fabiano indice*, inquit Martyrologium tenti sunt Marcus, & Marcellianus. à *Fabiano duce*, ait Breuiarium. quid dubitas? Dux ipse militum fuit iudex. *Ibidem* leges: *lanceis: telis*. Vide infra *Decemb. 21.*

Iulij 10. Septem fratres in Martyrologio sub *Antonino Pio*: in Breuiario sub *M. Aurelio Antonino*. Vna vero fuit Ambrorum persecutio.

Eiusdem 18. Filij S. Symphorosa ad trochleas extenduntur in Martyrologio: ad palum alligati dicuntur in Breuiario. lege *Adonem*, qui de iisdem scribens 27. *Iunij* ait: Imperator iussit septem figi stipites, ibique filios ad trochleas extendi, non ergo ea loca pugnant.

Eiusdem 27. Pantaleon à *Maximiano* tentus in Martyrologio: à *Diocletiano* Nicomediae in Breuiario. tu explica de Maximiano Galerio, qui apud Diocletianum erat; non de Maximiano Herculeo, qui Mediolani degebat.

Augusti 2. in Martyrol. fit mentio *Valeriani* in martyrio Stephani Papae; non autem *Gallieni*: de quibus in Breuiario. Vna tamen erat eorum persecutio.

Eiusdem 25. Astiagis regis iussu. ita Martyrologium de obitu S. Bartholomei: dicitur autem in Breuiario, quod Astiages erat frater *Polimij Regis*. ergo non erat Rex. potuit tamen esse Rex etiam ille, & frater Regis.

Septembris 14. Cornelius in persecutione *Decij* decollatur in Martyrologio: *Gallo & Volufiano* Imperatoribus obit in Breuiario. An perdurauit persecutio *Decij* vsque ad Gallum, & Volufianum? indixit eam Decius, renouauit Volufianus, ex *Baron. in Annal. Anno Christi 255.*

Eiusdem 19. In martyrio S. Ianuarij meminit *Diocletiani* Martyrologium: addit *Maximiani* nomen Breuiarium. sed iam diximus eandem fuisse persecutionem, & eodem modo conciliabis textus in Festo SS. Cosmae, & Damiani 27. *eiusdem.*

R 3 Octobr

Octobr. 9. Dionysius in Martyrologio à Fescennino gladio animaduertitur: in Breu. à Fescennio securi percutitur. duplex varietas, in nomine iudicis, & in instrumento martyrij. sed recole, quæ supra diximus ad diem 6. Febr. & 14. Aprilis.

Eiusdem 26. Euaristus in Martyrologio sub Adriano: in Breuiario sub Traiano: sed coronatur, ait, sub Adriano: Pontificatum gessit sub Traiano, hoc est: septem annos sub Traiano rexit Ecclesiam: anno secundo Adriani martyr occubuit. *Baron. in Annal.*

Decembr. 21. S. Thomas in Martyrologio prædicat Euangelium Hyrcanis, & Brachmanis: in Breuiario Hyrcanis, & Baëtris. vtrumque tamen verum est, & Brachmanis in India, & Baëtris in Scythia prædicauit.

Ibidem Martyrologium tradit, quod lanceis transfixus fuit: Breuiarium, quod telis confossus: An, quia telum est omne id, quod manu iaci potest; inde commune fit nomen lanceis, & similibus alijs armorum generibus: nulla igitur in prædictis discordia; sed omnia consona in sensu, si minus in verbis.



[Faint, mostly illegible text from the reverse side of the page, appearing as bleed-through or ghosting.]